

血證論

汪華題

中華民國二十四年四月出版

版權
所有
不准
翻印

中西匯通醫書五種

全書八厚冊定價大洋一元二角

校閱者 華亭馬臥雲醫士

印刷者 中國文學書局

發行者 中國文學書局

武進濮文彬

分發行者 全國各大書局

血證論六卷

四川彭縣容川唐宗海著

癆瘵

癆瘵之證。咯血痰嗽。遺精瀉泄。潮熱盜汗。瘦削疲倦。夢與鬼交。或夢亡先。喜見人。過常懷忿。怨平旦病減。午後病增。發熱心煩。口燥鼻乾。臉紅唇赤。骨蒸肺痿。咽痛失音。若瀉不止。則不治矣。其原得於酒色傷損。以及失血之後。瘀血鬱熱。化生癆蟲。蝕人臟腑之精血。變生諸般怪證。病人死後。蟲氣傳染家人。名曰傳尸。又名尸疰。謂其自上注下。見證與前死之人相似故也。辨蟲之法。或腹中有塊。或腦後兩邊有小結核。或用乳香薰手背。以帛覆手心。良久手上出毛長寸許。白黃者可治。紅者稍難。青黑者死。若薰手無毛。非癆蟲證也。又或用真安息香。燒烟吸之。不嗽者非傳尸。烟入卽嗽。真傳尸也。癆蟲之形。或似蜚蠊。或似紅絲馬尾。或似蝦蟆蝟。

鼠。或似鞠麵。或有足無頭。或有頭無足。或化精血歸於元氣之內。若傳至三人者。其蟲靈怪不可治。凡用藥治蟲。勿令病者知之。恐蟲覺悟。難取下也。夫癆蟲何由而生哉。木必先腐。而後蟲生之。人身亦必先有瘀血。虛熱鬱蒸。乃生癆蟲。蟲者風木之氣所化。人身肝主風。木又主藏血。肝臟之血。若有瘀積。是猶木之先腐也。於是肝臟之風氣。鬱遏蒸煽。將瘀血化生爲蟲。既化爲蟲。卽從蟲治之。宜天靈蓋散治之。然天靈蓋不易得。且不宜用。可用川椒代之。或金蟾丸亦可。余每用乾漆明雄川椒棟根皮白頸蚯蚓升麻鬱金。共爲末。白湯五更時服。其蟲不吐。卽下。義固取於殺蟲。而尤在乾漆鬱金。兼治瘀血。以癆蟲是瘀血所化。殺蟲是治其標。去瘀是治其本也。諸書但言殺蟲。而不知蟲之所自生。宜乎未得其治也。吾爲指出。癆蟲是瘀血所化。治瘀血是治其本也。辨證錄用移尸滅怪湯。治癆蟲傳尸。方以去瘀爲主。故效。癆蟲之生。由瘀血所化。而癆蟲既生。蝕人精血。人之正氣。日以消耗。不治其虛。但殺其蟲。病終不能愈也。月華丸主之。義取補虛而去瘀。殺蟲兼施。其

治乃萬全之策。鰻魚肉常食亦佳。或鰻魚骨鼈甲知母山茱萸柴胡當歸青黛桃
梟爲丸。人參湯下。亦攻補兼行之術。又凡濕熱積痰。皆能生蟲。與小兒疳蟲無異。
用金蟾丸卽愈。不比血化之蟲。靈怪難治也。旣殺蟲後。但當滋補其虛。陰虛者十
居八九。瓊玉膏主之。加黃柏知母紫河車更佳。陽虛者十之二三。六君子湯主之。

欬嗽

雜病欬嗽。另有方書可查。未及備論。茲所論者。虛癆失血之欬嗽也。失血家十有
九欬。所以然者。肺爲華蓋。肺中常有津液。則肺葉腴潤。覆垂向下。將氣斂抑。使其
氣下行。氣下則津液隨之而降。是以水津四布。水道通調。肝氣不逆。腎氣不浮。自
無欬嗽之病矣。血者火化之陰汁。津者氣化之水液。二者本相濟相養。水不濟火。
則血傷。血不養氣。則水竭。水竭則津不潤。肺血傷。則火來剋金。金被火剋。不能行
其制節。於是在下之氣。始得逆上。氣旣逆上。則水津不能隨氣下布。凝結爲痰。在
下之水邪。又得隨氣而升。泛爲水飲。皆致欬嗽。吾於欬血門已詳論之。茲復條列

如左。以便查核。一肺臟津虛。火氣乘之。致成燥欬。氣喘痰溼。或帶血絲。久成肺痿。清燥救肺湯治之。一痰火凝結。欬逆發渴。喉中痰滯者。由於津液不散。阻塞氣道。治宜清利其痰。滋養其津。紫菀散主之。一水飲沖肺。欬逆倚息。不得臥者。由於失血之人。肝經風火太盛。激動其水上衝肺。臥則肺葉張。水飲愈衝。是以不得臥息。葶藶大棗瀉肺湯治之。吾每用二陳湯治飲。加蘇子柴胡白芥子黃芩石膏杏仁。荊芥薄荷枇杷葉。風火兼治。尤效。此與雜病欬嗽。因寒動水者有異。因寒動水。以致水飲衝肺者。宜小青龍。及真武湯。血證欬嗽。多是內動風火。激水而上。青龍真武等。又其所忌。醫者辨之。夫虛癆欬嗽。原於火剋金。水乘肺。而切究其故。則病皆在於胃。胃爲水穀之海。化生津血。血不足則火旺。津不生則肺燥。水氣不化。則飲邪上干。治胃火宜白虎湯。加生地百合五味子。或玉女煎。治胃痰宜滾痰丸。指迷茯苓丸。輕者用豁痰丸。治胃中水飲。宜二陳湯。加蘇子白芥子。防已枳殼杏仁。生薑。若水飲挾火者。加柴胡黃芩當歸白芍。內經云。五臟六腑。皆有欬嗽。而無不聚。

於胃關於肺。上條分肺。胃治已詳。茲有一方。可以統治肺胃者。則莫如小柴胡湯。肺火盛如麥冬。心火盛加黃連當歸。肝火盛加當歸胡黃連。黃昏欬嗽爲火浮於肺。加五倍子。五味子以斂之。五更欬嗽爲食積之火。至寅時流入肺經。加萊菔子。痰凝氣滯者。加瓜蒌霜旋覆花杏仁桔梗射干川貝母。水飲上衝者。加葶藶子桑白皮細辛五味子。有寒加乾薑雲茯苓。若兼外感發熱惡寒鼻塞頭痛而欬嗽者。宜小柴胡湯。加荆芥紫蘇杏仁薄荷。蓋小柴胡能通水津散鬱火。升清降濁。左宜右有。加減合法。則曲盡其妙。又有瘀血作欬。其證欬逆倚息而不能臥。與水飲衝肺之證相似。蓋人身氣道不可有塞滯。內有瘀血則阻碍氣道不得升降。是以壅而爲欬。氣壅卽水壅。氣卽是水故也。水壅卽爲痰飲。痰飲爲瘀血所阻。則益衝犯肺經。坐立則肺覆。瘀血亦下墜。其氣道尙無大碍。故欬亦不甚。臥則瘀血翻轉。更爲阻塞。肺葉又張。愈難斂戢。是以倚息不得臥也。若仍照水飲衝肺用葶藶大棗湯。是得治飲之法。而未得治瘀之法矣。須知痰水之壅。由瘀血使然。但去瘀血則

痰水自消。宜代抵當丸。加雲茯苓法半夏。輕則用血府逐瘀湯。加葶藶蘇子。又有欬嗽側臥一邊。翻身則欬益甚者。諸書皆言側臥一邊。乃失血欬嗽不治之證。而不知仍是瘀血爲病。蓋瘀血偏著一邊。以一邊氣道通。一邊氣道塞。氣道通之半邊。可以側臥。氣道塞之半邊。側臥則更閉塞。是以翻身則愈加欬逆也。宜血府逐瘀湯。加杏仁五味子主之。側臥左邊者。以左邊有瘀血。故不得右臥也。右臥則瘀血翻動。益加壅塞。宜加青皮鼈甲。以去左邊之瘀血。側臥右邊者。以右邊有瘀血。故不得左臥也。宜加鬱金桑皮薑黃。以去右邊之瘀血。凡此瘀血欬嗽之證。諸書少言及者。朱丹溪略引其端。亦未申明。吾於臨證有悟。不惜大聲疾呼者。正欲起死人而肉白骨。豈敢祕而不傳哉。又有衝氣欬逆者。以衝脈起於血海。循行而上。麗於陽明。血海受傷。則衝脈氣逆。上合陽明。而爲火逆。燥欬之證。麥門冬湯主之。玉女煎亦治之。二方皆從陽明。以抑衝氣之顛。使不逆也。又有衝氣挾肝經相火。上乘肺金者。其證目眩口苦。噲欬數十聲不止。欬牽小腹作痛。發熱頰赤。宜

四物湯合左金丸。再加入尿猪膽汁牡蠣五味治之。蓋血室爲肝之所司。衝脈起於血室。故肝經之火得緣衝氣而上。小柴胡湯加五味子青皮龍骨牡蠣丹皮地骨皮亦治之。重者加胡黃連。衝脈本屬肝經。然其標在陽明。而其根則在於腎。蓋衝脈起胞中。而腎氣卽寄在胞中。腎中之氣上於肺而爲呼吸。亦借衝脈之路。以上循入肺。是以臍旁衝脈之穴。謂之氣街。內經又明言衝爲氣街。衝脈之與腎經交合者如是。是以衝脈每挾腎中之虛火上逆而欬。喘促咽乾。兩顴發赤。宜豬苓湯加五味子知母牛膝黃柏熟地龜版。或麥味地黃湯以安之。三才湯加鐵落以鎮之。或大補陰丸合磁硃丸加五味以吸衝氣。使歸於腎。則不欬逆矣。又有胞中之水內動。衝氣挾水上逆而欬者。其證上熱下寒。龍雷火升。面赤浮腫。頭暈咽痛。發熱心悸。大便反滑。腰痛遺溺。桂苓甘草五味湯治之。腎氣丸亦治之。參看吐血欬血門更詳。欬嗽之病。其標在肺。其本在腎。血家欬嗽。尤多生於腎虛。腎者氣之根也。腎經陰虛。則陽無所附。氣不歸根。故浮喘嗽逆。宜三才湯加五味子沉香。陳

脩園用二加龍骨牡蠣湯。加阿膠麥冬五味子。其附子須少用。只作引導耳。余每用知柏地黃湯。少加五味子肉桂。以爲報使。常服都氣丸亦佳。又有腎經陽虛。不能化水。腰痛便短。氣喘欬逆者。腎氣丸加五味治之。更有腎水泛上。脾土不制。而爲水飲欬嗽者。乃屬五飲雜病。非失血家應有之證。自有各書可查。茲不贅及。

發熱

吐血家脈靜身涼。不藥可愈。以陰雖虧而陽猶不亢。陰與陽尙得其和。故易愈也。或身有微熱。皮毛似汗。此爲陽來求陰。水來就血。亦可自愈。所謂發熱者。與身有微熱不同。失血家陽氣鬱於血分之中。則身熱鬱冒。但頭汗出。身熱者。火閉於內。而不得達於外故也。但頭汗出者。火性炎上。外有所束。則火不能四達。故愈炎上。而頭汗也。治法宜解其鬱。使徧身微汗。則氣達於外。而陽不乘陰。熱止血亦治矣。此如盛暑遏熱。得雨而解。小柴胡湯主之。又有瘀血發熱者。瘀血在肌肉則翁翁發熱。證象白虎。口渴心煩。支體刺痛。宜當歸補血湯。合甲己化土湯。加桃仁紅花。

柴胡防風知母石膏血府逐瘀湯亦治之。瘀血在肌腠則寒熱往來以肌腠爲半表半裏。內陰外陽互相勝復也。宜小柴胡湯加當歸白芍丹皮桃仁荊芥紅花治之。桃奴散加黃芩柴胡亦治之。瘀血在腑則血室主之。證見日晡潮熱晝日明了暮則譫語以衝爲血海其脈麗於陽明故肖陽明燥熱之證。桃仁承氣湯治之。小柴胡湯加桃仁丹皮白芍亦治之。瘀血在臟則肝主之以肝司血故也。證見骨蒸癆熱手足心燒眼目青黑毛髮摧折世以爲難治之證而不知瘀血在肝臟使然。宜柴胡青骨散加桃奴琥珀乾漆丹皮治之。以上所論皆屬血家發熱之實證也。又有發熱之虛證分血虛水虛兩類。另條如左。血虛者發熱汗出以血不配氣則氣盛而外泄也。或夜則發熱以夜主血分故也。或寅卯時卽發熱以寅卯屬少陽肝血旣虛則少陽之相火當寅卯旺時而發熱。地骨皮散加柴胡青蒿胡黃連雲茯苓甘草治之。又或胞中之火因血不足上合陽明燥氣日晡潮熱者犀角地黃湯治之。水虛者水爲氣之所化水津不足則氣熱皮毛枯燥口咽生瘡遺精淋祕。

午後發熱。大補陰丸。以補水濟火。或清燥救肺湯。從肺胃以生水津。水足以濡血。則陽氣不亢。燥熱自除。五蒸湯亦統治之。復有陰虛於內。陽浮於外。而發熱者。須大補其陰。而復納其陽。故產後發熱。用四物湯。加黑薑。失血發熱。亦可用之。火重者。再加芩連。若腎陰不足。真陽外浮。發熱喘促者。是爲陰不變陽。陽不入陰。宜從陰引陽。用二加龍骨湯。加五味子。麥門冬。阿膠。或三才湯。加鹽炒肉桂少許。桑葉。雲苓。白芍。蟲草。山茱萸。牛膝。五味子。知母。沉香。龜版。此外又有食積發熱者。手足心腹熱。胸滿噦呃。大便不調。日晡及夜發煩。宜枳殼。厚朴。大黃。消去之。則不壅熱矣。勿謂虛人無實證也。

厥冷

雜病四支厥冷。爲脾腎陽虛。不能達於四末。四逆湯主之。若失血之人。而亦間有發厥者。則多是熱邪內陷。伏匿在裏。外見假寒。身如冷水。目昏神暗。脈伏不見。或冷一陣。反而發熱。或厥數日。反發熱數日。其厥多熱少者。是陽極似陰。熱之至也。

厥少熱深者。是伏熱猶得發洩。熱尙淺也。此卽傷寒論厥陰篇所謂熱深厥亦深。熱微厥亦微是矣。蓋厥陰肝經內寄胆火。病則火伏陰中。而爲厥。火出陽分。則反熱。發熱固是火甚。發厥則火伏於內。而更盛矣。先宜治其伏火。使火得發。轉厥爲熱。次乃更清其熱。斯可愈耳。若誤認爲雜病發厥。而用熱藥。是促其命也。其辨法。雜病之厥。吐利不止。脈脫氣微。有寒無熱。伏火之厥。則厥後微露熱形。口不和。便不澇。小便不清。心中疼熱。煩躁不甯。惡明喜暗。渴欲得飲。吐衄隨厥而發。皆現真熱假寒之象。先以清化湯。合升降散。攻其伏熱。或當歸蘆薈丸。攻之。次以五蒸湯。清之。厥止熱不退者。再用太補陰丸。地黃湯。以滋陰。發厥之證。又有寒閉於外。而火不得發者。用仲景四逆散。加荊芥老連。枯芩。審其陽陷於內。而不出者。白頭翁湯。以清達之。升陽散火湯。以溫發之。二方酌宜而行。血家發熱。固多是真熱假寒。然亦有真寒者。去血太多。氣隨血洩。以致中氣去而不旺。元氣損而不足。四支厥冷。不思飲食。大便澇瀉。此乃虛則生寒之證。法宜溫補十全大補湯。參附湯。養榮

湯隨宜用之。

寒熱

發熱惡寒。多是外感傷其榮衛。傷榮則寒。傷衛則熱。平人治法。須用麻桂發散。失血皆陰血大虧。不可再汗。以耗其氣分之水液。只可用小柴胡湯。加荊芥防風。紫蘇杏仁薄荷前胡葛根等。以和散之。免犯仲景血家忌汗之戒也。若不關外感。係本身榮衛不和。發為寒熱。似瘧非瘧者。不可作瘧治之。只用小柴胡。或逍遙散。和其榮衛而愈。又有瘀血作寒熱者。其身必有刺痛之處。血府逐瘀湯治之。此與雜

出汗

汗者。氣分之水也。血虛則氣熱。故蒸發其水。而出為汗。但頭汗出。身不得汗者。乃陽氣內鬱。冒於上而為汗。以小柴胡湯解其鬱。則通身得汗而愈。蒸蒸汗出者。乃血虛氣盛。沸溢為汗。宜用白虎湯。加當歸蒲黃蟲退治之。手足濼濼汗出者。以胃

二形血作
定無其由
乃有利物
外血行通
脈物生之

中或有瘀血食積四支爲中洲之應火熱中結故應手足汗出也宜玉燭散加枳殼厚朴以攻之。結去而汗自止矣。睡中盜汗者睡則氣歸血分。血不足則氣無所歸。故氣泄而汗出。宜當歸六黃湯治之。或地骨皮散。加棗仁知母茯苓五味子黃芪黃柏以上所論皆失血家陰血內虛陽氣過發之病。亦有陰陽兩虛自汗盜汗者。宜歸脾湯加麥冬五味子。或當歸六黃湯加附子。又有大汗亡陽者。在雜病亡陽則單屬陽虛。失血家大汗亡陽則兼是陰虛。陽無所附。非大劑參附湯不能回陽。繼因獨參湯養之而愈。此論血家出汗與雜證出汗有別。參看汗血發熱門更詳。

發渴

血虛則發渴。有瘀血則發渴。水虛亦發渴。血虛發渴者血爲陰氣。爲陽血少則氣多。陽亢無陰汁以濡之。故欲飲水也。法宜補血。血足則氣不熱矣。聖愈湯加天冬花粉治之。或當歸補血湯加花粉苧麻根玉竹麥冬。瘀血發渴者以津液之生。其

根出於腎水。水與血交會轉運皆在胞中。胞中有瘀血。則氣爲血阻。不得上升。水津因不能隨氣上布。但去下焦之瘀。則水津上布。而渴自止。小柴胡加丹皮桃仁治之。血府逐瘀湯亦治之。挾熱蓄血者。桃仁承氣湯治之。夾寒瘀滯者。溫經湯治之。水虛發渴者。以肺胃之水津不足。是以引水自救。水津雖由水穀所化。而其氣實發源於腎中。腎中天癸之水。至於胞中。循氣衝隨呼吸而上於肺部。肺金司之。布達其氣。是以水津四布。口舌胃咽皆有津液。而不渴也。若腎中之水不足。則不能升達上焦。是以渴欲引水。宜啓下焦之陰。以滋津液。地黃湯加人參麥冬訶子。或左歸引。加兒茶人參玉竹三才湯。加知母治之。夫水津雖生於腎。而實布於肺。又有腎中之水津本足。而肺金鬱滯。不能散布。以致水結爲痰。咽乾口渴。宜小柴胡湯。通上焦之滯。使肺氣通調。則水津四布矣。又曰。津液雖生於腎。布於肺。而實賴胃中水穀以滋其化源。胃中燥結。則津不生。三一承氣湯治之。胃中蘊熱。則津不生。玉泉散治之。胃經肌熱。則津液被灼。人參白虎湯治之。胃中虛熱。則津不生。

水津不足其氣衝於胃中
至形此病氣衝而止
上上此故全渴治宜三一承氣湯
三一承氣湯治之胃中燥結則津不生
三一承氣湯治之胃中蘊熱則津不生
玉泉散治之胃經肌熱則津液被灼
人參白虎湯治之胃中虛熱則津不生

麥冬養榮湯治之。上分三條。皆失血多有之證。與雜病消渴水停不化。津氣不升者不同。參看可也。水停不化。當用五苓真武等湯。

心煩

煩者。心不安也。心爲火臟。化生血液。轉賴血液以養其火。故心字篆文。卽是倒火。火降則心甯也。失血家亡血過多。心火失其滋養。故多發煩。火太甚者。舌上黑胎。夜不能寐。黃連阿膠湯主之。心中懊懣者。以火不得宣。故鬱而不樂也。宜梔子豉湯。加連翹。桔梗。大力。生地。遠志。老連。草。稍治之。若火不甚。而血太虛者。心中了戾。不得。是爲虛煩。歸脾湯。加硃砂。麥冬。炒梔子。治之。逍遙散。加龍骨。棗仁。亦治之。仲景酸棗仁湯。尤爲治煩要藥。若煩而兼躁。手足妄動。此爲虛中夾實。內有燥尿。必見二便不調。發熱口渴。脈數有力等證。在傷寒爲承氣證。在失血家。須兼顧其虛。宜玉燭散。或用玉女煎。加元明粉。煩躁之極。循衣摸牀。小便利者。陰尙未盡。猶可救一二。小便不利。死不治矣。此與陰躁不同。陰躁不煩。而但躁。且必現陰寒。可據